

## 30- سلسلة منازل الإيمان للدكتور فريد الانصاري - منزلة التوكل

فريد الانصاري

منزلة التوكل بسم الله الرحمن الرحيم. يتشرف ابو هاجر ان يقدم لكم هذه المادة. نتحدث بحول الله عز وجل اليوم عن منزلة من منازل الایمان. وهي منزلة من منازل اياك نعبد واياك نستعين. التي قرر العلماء ان - 00:00:00

انها جامعة لكل منازل الدين والتدبر. حينما يقول العبد قارئنا فاتحة الكتاب عابدا ربها في الصلاة اياك نعبد واياك نستعين وبهذه الآية جمع كل الایمان وكل الاسلام. ومن ذلك منزلة التوكل ومنزلة التوكل على الله عز وجل هي من ارفع منازل الایمان - 00:00:20 واعزها مطلبا. وذلك ان الانسان عموما مولع بالدنيا. مولع بحطامها الفاني يثق لذلك بما في يده قليل الثقة بما في يد ربها. فاما ثقته بما في يده لانه محسوس هداكشي لي كيشوفو فيدو حاسبو محسوس. واما الذي في يد ربها فغريب. لا يستطيع الاطلاع عليه فهو غيب - 00:00:50

محسوس ولذلك كان الانسان هلوعا يحب الخير ويكره الشر لكن الخير عنده ما افاده في دنياه. والشر عنده ما ضرره في دنياه. فهو اذا حيث يفقد الایمان بالله يكون بهذه الصفة هلوعا. ان الانسان خلق هلوعا وهلعه بالمعنى - 00:01:23 الذي ذكرنا دواء الهم التوكل والتوكيل ايمان لله عز وجل قائم على التفويض تفويض كل شيء له وحده دون سواه. وذلك بان يعتقد فقد الانسان ان الله قد خلق كل شيء - 00:01:53

وهو سبحانه وتعالى بما انه خلق فقد ضمن رزق كل مخلوق. ما خلق الله عز وجل شيئا عينا ولا خلق شيئا ثم اهمله. بل خلق الخلق وقام عليه. ولذلك من اسمائه الحسنة الحي القيوم - 00:02:17 قام علي اي قام على حفظه ورزقه وتديير امره كله. فهو قيوم جل وعلا المؤمن مطالب باعتقاد ذلك ذهنا وتصورا وباعتقاده وجدانا. يعني الانسان المسلم مطلوب منه باش يفهم هاد المعنى ويعتقد بيه اي يامن بيه بالدهن ديالو وهو ان الله عز وجل خلق الخلق وقام عليه مقابل - 00:02:37

الكون ديالو سبحانه وتعالى هذا من حيث يعني العقل ديال بنادم خصو يتبنى على هاد المعنى ووجدانا يعني الإحساس ديال القلب وهو انه يشعر ان الله وكيل عنه في كل امره يشعر بهاد المعنى ويحس بيء - 00:03:07 فلا يخاف في ذلك ان يؤذى او ان يضام وقد شعر بان الوكالة لله الواحد القهار وفي ذلك ايات عجيبة شاملة جامعة مانعة. منها قوله عز وجل خالق كل شيء. في وصف ذاته سبحانه - 00:03:27

وتعالى وصفاته خالق كل شيء وهو على كل شيء وكيل. وكيل فهو اذا خلق كل شيء ثم قام عليه بالوكالة اي انه سبحانه وتعالى قائم بالارزاق ديال عباد وقائم بأمره كلشي يتعلق بما يحدث لأولئك العباد اي حاجة غاديها توقع للإنسان - 00:03:50

او وقعت او تقع فهي بإذن الله عز وجل وبأمره وبعلمه فهي وكالة شاملة. وهو على كل شيء وكيل فإذا عندنا جوج ديال المعاني هنا بمعنى قائم بذات الله ابدا يعني ديما ومعنى قد يقوم بنفس الإنسان ماشي ديما يمكن يكون عند بنادم يكون - 00:04:18

ميكونش عنده من هاد المعاني ديال التوكل جوج د المعاني المعنى اللول لي هو قائم بذات الله هو الصفة ديالو هو سبحانه وتعالى وكيل يعني ضامن ارزاق العباد او مسیر الكون ديالو سبحانه وتعالى. وهو على كل شيء وكيل. تلك صفتة سبحانه وتعالى - 00:04:44 هادي قايمة بالله تعالى هادا معنى قائم بذات الله ان الله عز وجل خلق الخلق ومقابل الخلق ديالو تاشي حاجة ما فالتها وحتى شي حاجة ما شاردة والتايهة بعيد عن السيطرة ديالو سبحانه وتعالى والمقابلة ديالو فهو يرزق الدواب ويرزق من في الأرض - 00:05:04 فمن في السماء ويدير كل شيء وهو على كل شيء وكيل. هادي حقيقة من حقائق العقيدة الاسلامية. اما المعنى لآخر اللي هو يمكن

يكون قائم بالنفس دياالننا حنا بهادشي وانش مآمنين بهادشي اي ان - 00:05:24  
الله عز وجل على كل شيء وكيل ولا لا؟ هذا السؤال لول ثانيا الا مآمنين به وحنا مسلمين مآمنين به شحال الدرجة دياال إيمان ديالك  
بهاد كتختالف الدرجات فوقاش كنعرفو هادشي لما بنادم كيوقع في الامتحان والتجربة - 00:05:44  
 ملي الإنسان كيوصل لاقدر الله لواحد الدرجة يسامح فالدين دياالو وبعضا الأمور دياال حقوق الله عز وجل من اجل اش من اجل ان  
فلان كيتوهملو انه رزقو بيدو خايف يقطع ليه الرزق - 00:06:01

هذه درجة ضعيفة جدا من التوكل. وهذا اللي قصدنا بالمعنى القائم بالنفس من التوكل. بالنفس البشرية. كيمكن يكون كيمكن  
ميكونش اصلا وهو الكفر فخطرة. ويلا كاين كيمكن يكون ضعيف كيمكن يكون متوسط كيمكن يكون قوي او قوي بزاف - 00:06:17  
بزاف وبين كل درجة واختها درجات ومراتب شتى ملي الإنسان كيكون ثابت على دينو ومايعطيش الدنيا فدينو واخا كيبان لو بأنه  
فلان يمكن يأتلرو على الرزق دياالو فالظاهر ما كيختلف وثبتت على ذلك. بذلك دال على حسن توكله - 00:06:37  
ولذلك قلنا كاين جوج د المعاني التوكل اللي هو قائم بذات الله هذا صفة من صفات الله دائم ابدا ما كيتغيرش وتوكل لي هو قائم  
بالنفس دياال بنادم. هذا كيتغير حسب درجة الإيمان دياال الإنسان - 00:07:02

والكلام دياالنا على هاد المعنى الذي يتغير الله سبحانه وتعالى الذي اعلمنا بالقرآن انه ضمن الارزاق للعباد وانه سبحانه وتعالى الذي  
ينفع والذي يضر النافع الضار سبحانه وتعالى وثبت ذلك ايضا ليس في القرآن وحسب بل في احاديث كثيرة. صحيحة السند الى  
النبي عليه الصلاة والسلام - 00:07:20

وبها ربا. رسول الله صلى الله عليه وسلم هذه الامة ومن اشهرها حديث التوكل لو توكلتم على الله حق توكله لرزقكم كما يرزق الطير  
تغدو خاما وتروح بطانا لو ان الناس يتوكلو على الله عز وجل حق التوكل. الرزق دياالهم غادي يجيهم بالشكل اللي كيعطيه ربى  
للطير - 00:07:51

كتخرج من الأعشاش دياالها الصباح بكري وتمشي تغامر وكيرزقها ربى عز وجل وتروح فالعشية شبعانة كتمشي الصباح فجيعانة تغدو  
الغدو والخروج دياال الصباح خاما يعني الكرش دياالها خاوية. الحنصلة دياالها. الحواصل دياالها خاوية من الطعام. وكترجع ممتلة  
وتغدو وتروح بطانا - 00:08:18

كتولي معمرة وهاد المثال دياال النبي صلى الله عليه وسلم عجيب جدا فيه من الفوائد الفائدة اللولة انه رزق الطير هو من اعجب  
الرزق ماشي بحال رزق بنادم مختلف عليه كيف مختلف عليه بنادم كيكون محدد في غالب الاحيان - 00:08:43  
الوجهة دياالو يعني عارف فين غادي خدام غدا الصباح ولا مخدامش دابا راك عارف على العموم معرفة عامة كيمكن يتغير في الامر ما  
يتغير ولكن نتا عندك واحد الطمأنينة سابقة انك خدام غدا او مخدامش عرف اش كاين معرفة عامة ماشي عل التفصيل - 00:09:00  
وعارف فين غادي تمشي غادي تخدم في الموضوع الفلاني اذا كنت خدام مع فلان او في الإدارة الفلانية او في الحانوت الفلاني او في  
اي مكان ما. وعارف طبيب العمل اللي غادي تخدم وعندك تقدير معين للثمن دياال داك العمل واحد العدد كبير دياال المعلومات  
كيمهدها ربى عز - 00:09:19

الانسان تتعلق برزقه. الطير كيخرج ما كيكونشاي عارف بالضبط فين غادي. وما عارفشي فين خدام ولا شحال غادي يلقى الرزق كل  
نهار ورزقو لا يدرى شيئا تغدو خاما خاوية الطير كتمشي الصباح خاوية خاوية بجميع المعاني - 00:09:39  
الحنصلة دياالها خاوية كركور دياالو خاوي وحاوي ايضا من هاد المعلومات لي عندك نتا هو معندوش واحد النوع دياال المغامرة غريبة  
عند الطير كيمكن تكون عند الانسان ولكن الطير تلك طبيعته - 00:09:59

والإنسان عادة كيبدأ يخطط وينضم الخدمة دياالو اللي جاية وهذا المعنى دياالو ان الإنسان واخا عندك المعلومات راه ما عندك والو  
هذا المال كتوصلو حتى في نهاية المطاف كتنقادو مع الطير فتلك المعلومات التي عندك ليست ضمانا للرزق ولكن الضامن -  
00:10:17

ديال الرزق هو الله الذي رزقك. وهاديك المعلومات كيعطيها لك باش تونس بها. وما تباقاش نفسيا مضطرب. وانت ايها العبد لو توكلت

على الله حق توكله يعطيك من الطمأنينة والضمان لي عطي للطير ومعطاهلكش نتا ايها الانسان والذى يشبهه - 00:10:37  
حقا هو بنادم اللي يعني صاحب الصباح ما عندو فراسو والو ماما سياكل ويطعم ويرزق تا كيجيhe الرزق من الجهة اللي ما طايحالوش على البال من حيث لا يحتسب ومن يتق الله يجعل له مخرجا ويرزقه من حيث لا يحتسب. اجعله في مقام الطير المومن التقى ربى كيديلو بحال - 00:10:57

الطير يرزقه من حيث لا يحتسب والطير ترزو من حيث لا يحتسب الطير راه ماشي موجود على المكان الفلاني وحاسب شحال من حبة ديار الزرع او شحال من غادي يلقى من الطعام من هذا النوع او ذاك. ما عندو حتى خبر على داكيhi. الفائدة الثانية - 00:11:20  
امن الطير حينما يخرج لا يدري هل يرجع الى بيته؟ ام لا يرجع يمكن ياكلو ديب او اي وحش او يصطاده صائد منبني ادم معرض لمخاطر شتى ملي يخرج الصباح كيمكن يرجع - 00:11:37

العش يمكن ما يرجعش او مارا كيرجع الحمام او الحمامه ما كترجعش او العكس فالله عز وجل وكالته على الطير وكالة رزق ووكالة حفظ. فالانسان لما كيفوض الأرزاق لله كيكون محفوظ بحفظ الله شحال من واحد عنده واحد اليقين فنفسو معندوش غرام ديار - 00:11:54

ماشي غير اليقين ديار الظن في الله. وحاسب كيخرج لمال هو بالنسبة ليه مضمون. كيرجع فنعش. ميتا الى واحد الغلط كبير عند الانسان بنو اسرائيل لما قالوا غنيبني اسرائيل - 00:12:21

هامان قارون عفوا قارون قالوا ليه واحسن كما احسن الله اليك طلبومنو باش يديرا الاحسان كما احسن الله اليك يعني ان هذا الرزق انما هو من عند الله قالهم انما اوتيته على - 00:12:38

علم عندي هاديك الصنعة الصنعة دياري والخبرة دياري في جمع المال وفي التجارة وفي كذا هذا معندوش ولا قليل كاين التوكل بل قلنا في البداية لي معندوش ولا قليل من التوكل عنده صفر ديار التوكل فمعنى ذلك الكفر المسلمين عنده انما - 00:12:55  
اسوء الأحوال كيكون ضعيف هو كاين كل واحد كيقول لا الله الا الله محمد رسول الله را عنده شي بركة ديار التوكل. غير ديك البركة لأنها قليلة مع الأسف فهو مسلم لا شك في ذلك اما اللي ما كيعتقاش فخطرة بأن الله هو الرزاق لا يكون الا كافرا كما كان قارون - 00:13:15

المسلم اذا مطالب بتتنمية هذا المعنى بما انه كيكون قليل وكيمكن يكبر ما معنى التوغل اذا؟ التوكل هو كتبقى تنمي هاد المعنى ديار الإعتقداد بأن الله هو ضامن الأرزاق. كتبدا هاد المعنى تكبرو نفسك - 00:13:35

فيه بالآيات وتسقيه بالاحاديث وتسقيه بالعظات فينemo كما تنمو الشجرة في الارض كيعطي الشمار ديارلو. والشمار ديارلو هي لرزقكم كما يرزق الطير. كتبدا تشووف الرزق ديار مولانا كيجيئ من حيث لا يحتسب - 00:13:55

فالانسان اذا يفوض الى الله كل شيء. والفائدة الثالثة من هذا المعنى العجيب. ان الطير حينما اتروح بطانا معمرة كتروح باش طعم الفراح ديارها كما هو معلوم فهي تشارك بناتها في رزقها وتغامر من اجل ذلك وكذلك الانسان المؤمن ما فيه شاي الانانية - 00:14:14  
كياكل لنفسو وسبحان الله للطير اخلاق عجيبة في هذا الأمر كما هو في الدجاج وفي الطيور جميعا ان الطير كياكل ويوكلي معاه غيره وهو من معاني التوكل بنادم اللي ما كيبيغيش يوكلي معاه غيره ما معناه كيخاف يتسلالو فيه الهلع والجفا هذا نقص فالتوكل لأنه كيسحابلو بأن الخزينة - 00:14:41

ديال ربى ما عامراش فيها غير شوية. اعطي ربى غادي يعطيك ويزيدك ولذلك في الحديث اللهم اعطي منفأ خلفا واعط ممسكا تلفا من دعاء الملائكة ما من يوم يطلع ما من يوم يوم كينزلو جوج د الملائكة من السماء كيناديyo اللهم اعط منفأ خلف الله يخلف على اللي نفق والله يتلف - 00:15:05

لي مسک معطاش كيديعي عليه بالتلف والعياذ بالله. نسأل الله العافية والتلف يحصل له فعلا ايلا ما تلف المال في عينيه يعني المال بدات وما تلف كيختلف الفائدة ديارلو في الدنيا وفي الآخرة هو نيت نفسو لا يستفيد منه في الدنيا ما فائدة المال في الدنيا؟ المال في الدنيا فائدة دنيوي فائدة اخرى - 00:15:32

فائدة الدنيا كيعطيك الراحة ترتاح. وفائدة الآخرة الجنة. نعم المال الصالح للعبد الصالح. أما فائدة الآخرة فبأبيه بالنسبة للإنسان الذي لا توكل له بالمرة انه ما عنده فائدة في المال ديالو في الآخرة كيفاش ما عندهوش الفائدة ديالو في الدنيا؟ قلنا المال الفائدة ديالو هي الراحة - 00:15:57

ما عندهوش الراحة. شحال من واحد خزان ثقيلة من المال. غرام ديال الراحة ما عندهوش. عايش في شقاء في عذاب شديد والعياز بالله. باش تكون اللي معذبو؟ معذبو المال ديالو اذن لا فائدة لا في الدنيا ولا في الآخرة والعياز بالله. شقاء الدنيا وشقاء الآخرة - 00:16:17

ولذلك من فوائد التوكل ان الرزق اللي كيجي من جييتو فيه هاد جوج ديال الفوائد فائدة الدنيا كتستفاد نتا ويستفاد غيرك المشاركة الإحسان وفائدة الآخرة وهي الأجر العجيب لأن الله سبحانه وتعالى كيعطي الأجر على المال ديال الدنيا فالآخرة كيعطيه من جوج جهات من جهة كسبه ومن جهة - 00:16:38

شحال من واحد كبيان لو باللي راه الأجر عندك غير في الإنفاق عندك حتى في الجميع الأجر ان كنت منفقاً لما تصرف المال في الوجوه الشرعية ديالو في بنيك واهليك والقراء ومن يستحقه ربى - 00:17:07

الأجر ديال انك نفقت والأجر ديال انك خدمت ماشي غير نفقت تؤجر مرتين على الكسب وعلى الانفاق. وكل ذلك من فوائد التوكل ومطلوب من المؤمن ان يعتقد بان الله عز وجل لا ينفاذ رزقه لانه رب السماء - 00:17:23

السماءات ولا ربها بينهما رب السماءات والارض لا الله الا هو فاتخذه وكيلا وهذا امر اتخاذ الرحمن وكيلا. الوكيل بالمعنى اللي كنستعملوه هنا في الدارجة. تكون الوكيل ديالك؟ كينوب عليك. كينوب عليك في البيع وينوب عليك في الشرا - 00:17:46 وينوب عليك في المحكمة وينوب عليك فكلاشي كتخدار الوكيل اللي يكون وكيلك قوي وعنده الحجة وعنده اللسان وعنده الجاه باش كيضمون لك الحقوق ديالك وما ياكلوشك الناس فإذا كان رب الكون هو وكيلك شيء عجيب جداً فاتخذه وكيلا - 00:18:06 في التوكل نتا كتنوب عليك مولاك لي خلقك باش يجي لك رزقك ويحمي لك رزقك ويبارك لك في رزقك ويحفظك بعد ذلك وقبل ذلك من كل مكروه. وكالة واي وكالة - 00:18:26

عجب وتوكل على الله وكفى بالله وكفى بالله وكفى بالله وكيلا. الا كان الله وكيلك باراكا عليك. باراكا عليك ما تزيد حد وكفى كافيتك. ويشيط عليك الخير ديالو. الوكالة ديال بنادم ناقصة. بنادم كتشوفو في المحاكم لاقدر الله كيدير الوكيل اللول يعني المحامي - 00:18:43

كيزيد الثاني يزيد الثالث لأن الوكالة البشرية ناقصة الوكالة الربانية كاملة. وكفى بالله وكيلا ديك الساعة را بغا يكون الخصم ديالك الجن والإنس كاملين تهنا لأن رب الجن والإنس هو وكيلك انت - 00:19:09

وهذا من المعاني الربانية التي يجب على المؤمن ان يتقطن اليها ويحرص عليها ويسعى الى تنميتها في وجدهاته وفي قلبه ومن فوائد ذلك ايضاً ان الانسان يستريح يسترار الانسان واحد الراحة عجيبة. ملي كدير اللي عليك ودير جهدك - 00:19:31 فما وصلك من الرزق تؤمن بأنه القدر الذي قدر لك لا يزيد ولا ينقص وما تشعرش بالأسى والأسى ولا تمدن عينيك الى ما متعنا به ازواجاً منهم زهرة الحياة الدنيا لنفترهم فيه - 00:19:53

سبحان الله العظيم الإنسان الى ناقص التوكل ديالو دار ديالو عيانة كيدوز على شي دار مزيانة كيبيقي فيه الحال السيارة ديالو قديمة كيدوز على سيارة جديدة كيبيقي فيه الحال ديماعقد بسبب نقص التوكل - 00:20:13

حينما تتسبب بالأسباب الشرعية لي عليك شرعاً درتو ما قصرت وتوكلت على الله وجاداشي لي جا كتقول الحمد لله هادشي اللي دار الله عز وجل واللي دارو راه ما غادييش يزيد وما غادييش ينقص وما عندك فيه الاخير ما عندك فيه الاخير كنعرفوا واحد - 00:20:27

نعرفو معرفة جيدة كانت عنده اموال طائلة من املاك الفلاحه والتجارة جوج د الأنوع ديال الأملك املاك الفلاحه واملاك التجارة او كنضاربو الله الخمور او الفساد عمر طويل وهو في تلك الحالة حتى انفق كل شيء في الخوا وزار كثيراً من البلاد الدنيا - 00:20:47

ما الحل؟ ما خلاش شي قهرة اللي ما مشى لها الا الحل. ما مشالوشاي فافقره الله فقرا باش يتعشى سبحان الله العظيم وسبحان الله  
لما ولی فقیر صلح حاله انقطع - [00:21:12](#)

عن كل الفساد وانواعه واستقامة امره وتاب توبة نصوها والي تشفوف تشفوف فيه ولی من اولياء الله الصالحين ما يطير لكش في بالك  
ان هادا كانت الصورة ديالو قبل ذلك كصورة الشيطان وهو الآن ولی من اولياء الرحمن نحسبه كذلك - [00:21:27](#)  
ولا نزكي على الله احدا شوف سبحان الله العظيم كيبدأ يقول كان عندي وكأين عندي كنقولو حمد الله ان الله تعالى شفاك شفاك بالفقر  
هذا الدوا ديالو الفقر والمرض ديالو الغنى - [00:21:47](#)

ولذلك شحال من زيتونة حسن من عشرة كيلو لحم زيتونة وحدة احسن من عشرة كيلو لحم تأكلها على حلاوة الإيمان طاحت  
الوجدان فذلك خير الدنيا وخير الآخرة وليس لك من ما لك الا ما اهلكت - [00:22:02](#)

عدد ديات الناس يملكون من المال الشيء الكثير ولكن شحال هو يدخل بطنه منو؟ شحال هو يليس منو؟ ما يكفي بنادم ما يكفي بنادم  
صافي انتهى ولكن الجشع يعني الطمع اللي فايت القياس هو اللي كيهلك الإنسان وسببه قلة التوكيل - [00:22:21](#)  
الانسان حينما يعتقد العقيدة التي ذكرت ان الله هو الرزاق. ذو القوة المتين واعمال على اكتساب هذا المعنى في قلبه. فإنه يجد كل ما  
ذكرت من فوائد في التوكيل وبعد ذلك وهذا من الفوائد ايضا ينشط للعبادة - [00:22:41](#)

يلقى واحد الاقبال على العبادة عجيب اليوم صلاة الظهر ونحن في رمضان صليت في الجامع ديال المزارعين ديال باب الجديد هداك  
الجامع لي تما باب الجديد اول رمضان ادن كنت تما اذن ومشيت نصلي - [00:23:03](#)

غير اذن يعني ما تعطلتش ما لقيتش المكان في الزنقة في الزنقة ما لقيتش الموضوع ماشي في الجامع في الزنقة ما لقيتش الموضوع  
قلت نسيت اليوم راه رمضان لأن كان النهار اللول - [00:23:21](#)

اذا نظام رمضان خصك تمشي بكري باش تشد البلاصة في الجامع اليوم صليت الظهر تما اذن وانا باقي بعيد على الجامع ووصلت  
للجامع لقيت النص فيه خاوي اش كاين؟ قرب العيد تما التجار تا واحد ما خلا الحانوت - [00:23:33](#)

ديالو على الأذان باش يبيع ويشرى العيد قلة التوكيل والله الذي لا اله الا هو لن يبيع ذلك اليوم الا ما قدر له. ما يزيد شي خرقة وحدة  
ولا كيلو واحد ديال الزبيب ولا - [00:23:48](#)

ما يزيدوش ولا غرام بسبب التأخير ديالو على المسجد الا ما نقص ما يزيد ومن يتقد الله يجعل له مخرجا ويرزقه من حيث لا  
يحتسب التوكيل قليل النص في الجامع النص ديال البشر ولا بالأحرى يمكن يكون ثلث - [00:24:04](#)

لانه النص ديال الجامع هو اللي كاين والنصل خاوي اللي على برا ما كاينش اللي صلاو فالزنافي من قبل ما كاينين ناقصين اللي صلاو  
فالزنقة وناقص النصف الجامع ابقى النص - [00:24:24](#)

قلة الإحساس الدائم بأن الرزق من عند الله ما كيآمن الا بالحاجة اللي شدها بيدو. هذا واحد الخطأ كبير. ولذلك قلت كل واحد وباش  
كيعالجو الله سبحانه وتعالى. كل واحد والدوا ديالو - [00:24:37](#)

ولذلك قلت المؤمن المتوكل كيفرح بالحاجة لي عطاهم الله يجد بها لذة وراحة قليلة كيفرح بها يفرح بها. جميع الأحوال هو فرحان  
بداكشي لي عطاه الله عز وجل وكيف يعرف بأنه ما عندهو الخير الا فداكشي اللي عطاه الله. اللي عطاه القليل يعرف بلي راه الخير ما عندهو  
الا فداك القليل. والكثير ما عندهو - [00:24:52](#)

الخير واللي عطاه الكثير راه ابتلاء ايضا يمكن يكون عندهو فيه الخير يمكن اذا كسبو من جهة ديال الخير نوى فيه الخير ما عندهو فيه  
الا الخير. نعم المال الصالح للعبد الصالح. ويلنا نيتونا ناقصة فيه راه اختبار امتحان - [00:25:17](#)

ونبلوكم بالشر والخير فتنة. تا الخير كيتحنا الله به. والمتوكل يجد امنا الأمان فجميع الأحوال عندهو الأمان فالقليل او عندهو الأمان  
فالكثير ما عندهوش مشكل لأنه اخذه من باب التوكيل ملي امشى دق الباب - [00:25:37](#)

ديال سيدى ربى باش يسترزق باب الله دقو من باب التوكيل. جا القليل كينفعو. جا الكبير كينفعو. ما يخافش. جميع الأحوال ولذلك  
كان خير الرزق المتوكل فيه على الله هذا خير رزق وهو رزق الطير - [00:25:57](#)

لرزقكم كما يرزق الطير تغدو خمامسا وتروح بطانا مرتاح ما عندها فيه الا الخير من هنا اذ كان المؤمن حينما يدخل باب الرزق متوسلا  
ومتسبيا يكون له ذلك سببا من اسباب معرفة الله. وهذا المعنى لي بغينا نختمو به وهو اهم ثمرة - 00:26:16

في التوكل كيكون سبب من اسباب المعرفة بالله كتعرف الله سبحانه وتعالى بالتوكيل لما تكون هاد العلاقة بينك وبين الله عز وجل  
هي علاقة التوكل. اش معنى انت هداك؟ معنـت هـدـاك رـاه حـوار كـتـكلـمـ معـ ربـيـ وـهـوـ كـيـجاـوبـكـ - 00:26:41

حوار تقولو ويقولك وكتحس بالتوacial راكم متصلين ومتفاهمين وهذا ينتج عنه معرفة بالله واحد ولله المثل الاعلى ولا مشاحة في  
المثل جالس حداك واخا جالس حداك ما نعرف شحال من عام ما عمرك ما تكلمت معه ما تعرفوا ما يعرفك لما كتبـا - 00:27:00  
معاملة بينك وبينـوـ كـتـعـطـيـهـ وـيـعـطـيـكـ تـكـلـمـ وـيـكـلـمـكـ تـخـاطـبـ وـيـخـاطـبـكـ كـتـعـرـفـ عـلـيـهـ مـزـيـانـ وـمـلـيـ كـتـعـرـفـ عـلـيـهـ مـزـيـانـ كـتـسـافـدـ منـوـ  
ولله المثل الاعلى قلت ولا مشاحة في المسألة كـاـيـنـ المـو~مـنـ بـرـبـيـ كـيـقـولـ لـاـ اللهـ اـلـاـ اللهـ مـحـمـدـ رـسـو~لـ اللهـ وـلـاـ يـسـعـيـ الـتـعـرـفـ عـلـىـ اللهـ  
- 00:27:20

هذا ما كـيـسـتـافـدـشـ منـ اللهـ عـزـ وـجـلـ. لاـ يـسـتـفـيدـ وـكـاـيـنـ المـسـلـمـ المـو~مـنـ الـذـيـ يـشـهـدـ انـ لـاـ اللهـ اـلـاـ اللهـ وـانـ مـحـمـداـ رـسـو~لـ اللهـ وـيـسـعـيـ الـىـ  
الـتـعـرـفـ عـلـىـ اللهـ 00:27:40

والله في الرخاء. يـعـرـفـ فيـ الشـدـةـ. كـاـيـنـ التـبـادـلـ دـيـالـ الـحـوارـ وـدـيـالـ الـمـعـاـلـةـ. كـمـاـ كـتـعـاـمـلـوـ سـبـحـانـهـ كـيـعـاـمـلـكـ التـوـكـلـ منـ اـهـمـ اـبـوـابـ  
الـمـعـاـلـةـ معـ اللهـ التـوـكـلـ منـ اـهـمـ الـأـبـوـابـ دـيـالـهـاـ نـتاـ كـتـوـكـلـ وـهـوـ كـيـعـطـيـكـ وـكـتـجـربـ وـجـربـ وـرـبـيـ - 00:27:54  
تلـقـاهـ سـبـحـانـهـ وـتـعـالـىـ فـكـلـ مـرـةـ وـاـذـ سـأـلـكـ عـبـادـيـ عـنـيـ فـإـنـيـ قـرـيبـ اـجـيـبـ دـعـوـةـ الدـاعـيـ اـذـ دـعـانـ اـسـتـجـيـبـوـ لـيـ وـالـيـوـمـ بـيـ لـعـلـهـ  
يـرـشـدـوـنـ. اـمـ يـجـيـبـ الـمـضـطـرـ اـذـ دـعـاهـ وـيـكـشـفـ السـوـءـ سـبـحـانـهـ وـتـعـالـىـ. فـهـوـ اـذـ 00:28:14

عـنـ ظـنـ عـبـدـهـ بـهـ كـمـاـ فيـ الـحـدـيـثـ الـقـدـسـيـ اـنـاـ عـنـ ظـنـ عـبـدـيـ بـيـ عـلـىـ حـسـابـ نـيـتـكـ وـعـلـىـ حـسـابـ الـاقـبـالـ دـيـالـكـ عـلـىـ اللهـ يـقـبـلـ عـلـيـكـ  
عـلـيـكـ اللهـ. اـنـتـ رـدـدـتـ تـرـدـدـ الـرـبـ فـيـ الـاـقـبـالـ عـلـيـكـ. كـمـاـ يـلـيقـ بـجـلـالـ وـجـهـ وـعـظـيمـ سـلـطـانـهـ. وـانـ - 00:28:34

عـزـمـ عـزـمـ الـرـبـ فـيـ الـاـقـبـالـ عـلـيـكـ. اـنـاـ عـنـ ظـنـ عـبـدـيـ بـيـ الـلـيـ دـفـعـتـهـ وـالـلـيـ عـطـيـتـهـ تـلـقـاهـاـ. وـبـالـشـكـ باـشـ عـمـلـتـ مـوـلـاـكـ كـيـعـاـمـلـكـ فـتـجـدـ  
فـيـ ذـكـرـ مـعـرـفـةـ بـالـلـهـ وـكـتـعـرـفـ اوـصـافـ اللـهـ سـبـحـانـهـ وـتـعـالـىـ الـكـامـلـةـ وـاسـمـاؤـهـ الـحـسـنـىـ الـنـورـانـيـةـ - 00:28:54

كـتـعـرـفـهاـ ماـشـيـ غـيـرـ بـالـدـيـنـ هـاـنـتـاـ حـفـظـتـهاـ وـفـهـمـتـهاـ لـاـ كـتـعـرـفـهاـ بـعـدـ ذـكـرـ بـالـمـعـاـلـةـ كـتـلـمـسـهاـ وـدـقـهاـ وـتـجـدـ لـذـكـ طـمـانـيـةـ كـطـمـانـيـةـ مـوـسـىـ  
سـيـدـنـاـ مـوـسـىـ عـلـيـهـ الـصـلـاـةـ وـالـسـلـامـ وـعـلـىـ نـبـيـنـاـ اـفـضـلـ الـصـلـاـةـ وـالـسـلـامـ. مـلـيـ جـاتـوـ الرـسـالـةـ خـافـ - 00:29:14

خـافـ وـلـهـ عـلـيـ ذـنـبـ فـأـخـافـ اـنـ يـقـتـلـوـهـ خـافـوـاـ فـلـمـ رـآـهـ تـهـزـ كـأـنـهـ جـانـ وـلـىـ مـدـبـراـ وـلـمـ يـعـقـمـ خـافـ فـاـجـسـ فـيـ نـفـسـهـ خـيـفـةـ مـوـسـىـ.  
مـلـيـ شـافـ الـحـبـالـ وـالـعـصـيـ دـيـالـ السـحـرـةـ تـحـولـتـ وـحـنـاشـيـ. خـافـوـاـ - 00:29:35

جـلـسـ فـيـ نـفـسـهـ خـيـفـةـ مـوـسـىـ. وـلـكـ كـلـ مـرـةـ رـبـيـ كـيـهـدـنـوـ فـلـوـلـاـ وـفـالـتـانـيـةـ وـفـالـتـانـيـةـ تـحـصـلـ المـقـامـ المـطـلـقـ دـيـالـ الـيـقـينـ وـاـيـقـنـ بـماـ اـعـطاـهـ  
الـلـهـ مـنـ اـيـاتـ حـصـلـوـ يـقـيـنـ كـاـنـتـ خـاتـمـةـ هـاـدـيـ الـيـقـينـ لـمـاـ العـصـاـ تـحـولـتـ اـلـىـ ثـعـبـانـ بـاـذـنـ اللهـ وـاـكـلـتـ كـلـ خـزـعـبـلـاتـ السـحـرـةـ - 00:29:58

فـإـذـاـ هـيـ تـلـقـفـ مـاـ يـفـيـكـ كـلـشـيـ دـاـكـ الـكـدـوـبـ دـيـالـهـمـ سـرـطـاتـوـ بـعـدـ ذـكـ فـكـرـ فـرـعـونـ باـشـ يـتـبعـ سـيـدـنـاـ مـوـسـىـ وـيـقـاتـلـوـهـ وـالـجـيـشـ دـيـالـوـ  
مـنـ بـنـيـ اـسـرـائـيلـ يـجـمـعـ فـرـعـونـ الـجـيـوشـ الـمـجـيـشـةـ مـنـ الـفـرـاعـنـةـ وـالـمـصـرـيـنـ وـتـبـعـوـاـ سـيـدـنـاـ مـوـسـىـ وـكـانـ سـيـدـنـاـ مـوـسـىـ عـطـاهـ رـبـيـ الـاـمـرـ  
باـشـ يـخـرـجـ بـالـلـيـلـ سـرـيـاـ مـعـ بـنـيـ اـسـرـائـيلـ - 00:30:27

صـبـحـ عـلـيـهـمـ الـوقـتـ بـنـوـ اـسـرـائـيلـ وـصـلـوـاـ لـوـادـ دـيـالـ النـيـلـ وـالـنـيـلـ وـاـدـ اـشـبـهـ ماـ يـكـونـ بـالـبـحـرـ وـلـذـكـ سـمـاـهـ اللهـ فـيـ الـقـرـآنـ بـحـرـ وـبـمـ وـصـلـوـاـ  
لـلـوـادـ الـكـبـيرـ وـتـلـفـتوـ وـمـاـ كـيـشـوـ فـرـعـونـ رـاهـ بـالـجـيـشـ دـيـالـوـ جـايـبـ ماـ بـقـىـ بـيـنـهـ وـبـيـنـهـ وـالـوـ شـحـالـ قـدـهـمـ دـيـالـ الـوـقـتـ باـشـ - 00:30:52

قطـعـوـاـ هـادـيـكـ الـمـيـاهـ فـدـاـكـ الـوـادـ شـحـالـ مـنـ فـلـاـيـكـ وـمـاـ عـنـدـهـمـ وـالـوـ اـشـ قـالـوـاـ؟ـ قـالـوـاـ اـنـ لـمـدـرـكـونـ حـصـلـنـاـ الـخـلـيـفـةـ عـلـىـ اللهـ مـشـيـنـاـ اـنـاـ  
لـمـدـرـكـونـ مـوـسـىـ كـانـ عـنـدـوـ الـيـقـينـ قـالـهـمـ كـلـاـ اـنـ مـعـيـ رـبـيـ سـيـهـدـيـنـ الـحـلـ غـيـجيـ دـاـبـاـ مـذـالـ - 00:31:13

ماـزـالـ مـاـ عـارـفـوـشـ لـرـزـقـكـ كـمـاـ يـرـزـقـ الطـيـرـ مـاـ عـارـفـ وـالـوـ وـلـكـ عـنـدـوـ يـقـيـنـ بـأـنـهـ سـيـكـوـنـ كـلـاـ اـنـ مـعـيـ رـبـيـ سـيـهـدـيـنـ هـادـيـ قـمـةـ الـيـقـينـ لـيـ  
كـيـعـطـيـهـاـكـ التـوـكـلـ مـبـاـقـيـشـ شـيـ حـاجـةـ تـقـولـ رـاهـ تـسـدـ الـبـابـ مـكـاـيـنـشـ تـسـدـ الـبـابـ - 00:31:33

بـابـ رـبـيـ عـمـروـ مـيـتـسـدـ عـلـيـكـ مـاـ دـمـتـ مـتـوـكـلـاـ وـعـطـاهـ رـبـيـ الـحـلـ الـلـيـ كـتـعـرـفـوـهـ وـهـوـ اـمـرـهـ بـضـرـبـ الـبـحـرـ بـالـعـصـاـ فـالـفـلـقـةـ تـحلـ الـبـحـرـ كـلـ

فرق منو كالطود العظيم بحال واحد الجبل كبير وخرج لو واحد الطريق طريقا يابسا ناشفة - 00:31:53  
داز فيها موسى والاتباع ديالو منبني اسرائيل ولما هبط فيها فرعون ربي يجمع الما ديالو وغرقهم الى يوم القيمة توكل يجعل على  
معرفة بالله سيدنا موسى ولی متتعرف على مولاه عارف كلا ان معی ربي سيهدين عارف معرفة حينما - 00:32:16  
تحصل هذا المعنى وتحصل قمته تكون انذ من العارفين. اللهم اجعلنا واياكم من العارفين بالله. اللهم ارنا الحق حقا وارزقنا وارنا  
الباطل باطل وارزقنا اجتنابه. واجعلنا لك من الشاكرين. وصلي اللهم وبارك على سيدنا ولينا والاخرين. سيدنا محمد وعلى الله وصحابه  
وسلم تسلیما - 00:32:36  
سبحان ربک رب العزة عما يصفون وسلام على المرسلين والحمد لله رب العالمين واحمل الزاد وانوار اليقين باب زيتون واحمل السما  
وانوار اليقين - 00:32:56